

समे – 12:25

<><><><><><>

## World Health Day

अज्ज दुनिया भरै च सेहत दे बारे जागरूकता फैलाने थमां वर्ल्ड हैल्थ डे मनाया जा'रदा ऐ। इस ध्याड़े लेई विश्व स्वास्थ्य संगठन नै इस ब'रे दी थीम " माई हैल्थ माई राईट" रक्खी दी ऐ। इस थीम गी रखने दा मकसद तकरीबन 450 करोड़ उनें लोकें गी सेहत सरबन्धी सेवां पजाना ऐ जिनेंगी एहदी गंभीर कमी दा सामना करना पौंदा ऐ। एह आंकड़ा तकरीबन दुनिया दी अददी जनसंख्या दे बरोबर ऐ। विश्व स्वास्थ्य संगठन दा आक्खना ऐ जे तकरीबन 140 मुखे दे संविधान च सेहत गी माहनु अधिकार मन्नेआ गेदा ऐ। एहदे बावजूद गी केई मुख्य च सेहत सरबन्धी कनूनें गी तोड़ नेई चाढ़ेआ गेदा ऐ। तोआई जलवायु संकटे दी वजह कनूनें स्वास्थ्य सेवां होर बिगड़ी गेदियां न। विश्व स्वास्थ्य संगठन एह मेद रखदा ऐ जे विश्व स्वास्थ्य दिवस मनाने कनूनें सेहत सरबन्धी सेवां ते एहदे बारे जानकारी दी जागरूकता होर बधोग।

<><><><><><>

## ECI-Suvidha

चुनां आयोग दा आक्खना ऐ जे लोकसभा चुनां दी घोषणा दे बाद सुविधा पोर्टल उप्पर 20 दिनें च 73,000 थमां मते आवेदन पत्र मिले न। सुविधा पोर्टल बक्ख-बक्ख किस्म दे अनुमति अनुरोध जारी करना ऐ। जिंदे च रैलिंग दा आयोजन, वाहनें च रैलिंग दा आयोजन, वाहनें दी अनुमति, पर्चे दी बंड समेत होर चीजां बी शामिल न। एह पोर्टल चुनां आयोग आस्सेआ जारी कीता गेआ। चुनां गी रमानदारी ते सफलतापूर्वक ढंगे सिरे करोआने लेई तकनीकी समाधान ऐ। सुविधा पोर्टल जरिये राजनैतिक पार्टिं ते मेदवारें अनुमति अनुरोध कुसै बी बेल्ले थमां करोआइ सकदे न। तोआई ऑफलाइन ढंगे सिरे बी इनेंगी जमा करोआने दा विकल्प उपलब्ध ऐ।

<><><><><><>

## Jammu Nomination

5—जम्मू संसदीय हल्के दे रिटर्निंग अफसर सचिन कुमार वैश्य होरें कल औंदे लोकसभा चुनाएं लेई इस सीट लेई दाखल नामजदगिएं दे कागतें पत्रें दी जांच कीती। तफसीली जांच परख दे बाद 23 फार्म सेही पाए गे , इनें मेदवारें गी चुनां च योग्य मेदवार पाया गोआ। इंदे च भारती जनता पार्टी दे जुगल किशोर शर्मा, जम्मू कश्मीर नैशल पैथर्स पार्टी दे नरेश कुमार चिब, भारतीय राष्ट्रीय कांग्रेस दे रमण भल्ला, एकम सनातन भारत दल दे अंकुर शर्मा, नैशनल अवामी यूनाइटेड पार्टी दियां शिखा बंदराल शामिल न। त्रऊं मेदवारें दे नामांकन रद्द कीते गे, जिंदे च बहुजन समाज पार्टी दे कवरिंग मेदवार, कांग्रेस दे कवरिंग मेदवार इन्द्र भल्ला, ते अजाद मेदवार रविन्द्र सिंह शामिल न। इस गेड़ दे चुनां लेई जारी अधिसूचना मूजब मेदवार जेकर चांहन तां 8 अप्रैल दपैहरी बाद 3 बजे तोड़ी अपना नामांकन वापस लेइ सकदे न। इस सीट लेई मतदान 26 अप्रैल गी होग।

<><><><><><>

## Vaishno Devi

श्री माता वैष्णो देवी श्राईन बोर्ड नै यात्रा पर औने आले श्रद्धालुएं गी बेहतर मयारी ते सखल्ले सेहत सुविधा उपलब्ध कराने दे जतनें तैह्त Hewlett Packard Enterprises India Pvt. Limited ते Hewlett Packard India Software Operation Pvt. Limited कन्नै इक समझौता पत्र दस्तखत कीते न। एह्दे तैह्त श्री वैष्णो देवी तीर्थ यात्रा दे रस्ते पर 9 सेहत एटीएम लाए जांगन ते कटड़ा च इक Tele medicine स्टूडिया कायम कीता जाग। एह सुविधा भलेयां अज्जै कल्लै दिएं तकनीकें ते प्रौद्योगिकीएं कन्नै लैस होंगन। इंदे फायदे औने आले दिनें च यात्रा पर औने आले श्रद्धालु ते मकामी लोक बी लेई सकगन। आकाशवाणी दे जम्मू संवाददाता नै जानकारी दित्ती ऐ जे एह सुविधा यात्रुएं ते होरने लोकें गी 24 घेंटे दिन रात कुसै बी समें सेहत दिक्खभाल उपलब्ध कराने लेई शुरू कीती जा'रदी ऐ। श्री माता वैष्णो देवी श्राईन बोर्ड दे सीईओ अनशुल गर्ग होरें गलाया ऐ जे यात्रा च खास-खास मैडिकल इकाइएं उप्पर हैल्थ एटीएमएं बी लोआए जांगन।

<><><><><><>

## SVEEP Programme

रामबन जिले च स्वीप अभियान दे तैह्त कल केइं थाहरें बक्ख-बक्ख कार्यक्रमें ते गतिविधिएं दा सरिस्ता कीता गोआ। महिलाएं गी वोट पाने लेई जागरूक ते प्रेरत करने लेई इक विशेष

कैंप सरकारी हाई स्कूल रामसू च लोआया गेआं जेहृदा विषय सार हा “ऐवरी वोट मैट्रर्स” मतलब हर वोट मायने रखदा ऐ। इस दरान इस नुख्तें पर चेचे तौरा पर लोह पाई गई जे महिलाएं दा मतदान करना किन्ना जरूर ते लाजमी ऐ। महिलाएं ते कुड़िएं गी समझाया गेआ जे मुल्खै लगभग 50 फीसद अबादी आले वर्ग दी बी देश दे विकास च योगदान होना लोडत्रचदा जेहृदा ओ वोट पाइयै देइ सकदियां न ते राष्ट्र दे लोकतांत्रिक ताने बाने गी होर मजबूत करी सकदियां न।

<><><><><><><><>

## IPL

आईपीएल क्रिकेट च जंदी रातीं जयपुर दे सवाई मानसिंह स्टेडियम च राजस्थान रॉयल्स नै रॉयल चैलेंजर्स बैंगलोर गी 6एं विकटें कन्ने हराया। जित्त लेई लोडचदे 184 रंज दे लख्य दा पिच्छा करदे होई राजस्थान रॉयल्स नै 19 ओवरें ते 1 गेंद पर 4 विकटें दे नुक्सान पर 189 रंज बनाइयै मैच अपने नां करी लैता। राजस्थान लेई जॉस बटलर नै 100 रंज दा योगदान दित्ता ते उसी मैच दा बेह्तरीन खडारी घोषत कीता गेआ। अज्ज मुंबई दे वानखेडे स्टेडियम च मुंबई इंडियंस दा मकाबला दिल्ली कैपिटल्स कन्ने होग। मैच दपैहरी साढ़े त्रै बजे शुरू होना तैह ऐ।

<><><><><><><><>

## US-China

अमरीका खजाना विभाग नै कल इक कथन राएं आक्खेआ ऐ जे अमरीका ते चीन नै सुतुलित विकास उप्पर गल्लबात करने दा फैसला करी लैता ऐ। दौनें मुलख आर्थिक समुदाय बनांगन ते बक्ख-बक्ख मुद्दें जिंदे च मकामी ते वैश्विक अर्थबवस्था दी बढ़ोतरी बी शामिल ऐ, उंदे उप्पर चर्चा करगंन। एह समझौता अमरीका दे खजाना सचिव जैनेट यैलन हुंदे चीन दे दौरे दरान कीता गेआ। उंदे इस दौरे दरान उनें चीन दे लीडरें गी मकामी विनिर्माण नीतिएं गी बदलने आस्तै बी आक्खेआ।

<><><><><><><><>

## Police

सोशल मीडिया पर वायरल होआ करदिएं वीडियोए, जिंदे च पुलकर्मी अपनी वर्दी लाइयै रील बनांदे दिक्खे जा'रदे न, गी ध्यानै च रखदे होई जम्मू पुलसै अपने सारे कर्मिएं गी निर्देश जारी कीता ऐ जे अपनी ड्यूटी दरान दिएं गतिविधिएं दे वीडियो जां रील बनाइयै सोशल मीडिया पर अपलोड नेईं करन। टकोहदा करियै जिंदे उनें अपनी वर्दी लाई दी ते थेआर चुक्के दे होन। एस.पी जम्मू दफतर आस्सेआ जारी इक निर्देश मूजब सब्बने पुलस कर्मिएं जिंदे च अफसरें बी शामिल न गी ताकीद कीती गेदी ऐ जे ओह इस हुक्मै दी हूबहू पालमा करन कीजे इस चाल्ली दे वीडियो सोशल मीडिया पर चाढ़ने कन्नै पुलसै दे सम्मान, छवि मर्यादा ते साख गी नुकसान पुजदा ऐ। हुक्मै च सब्बने गी लोक सभा चुनाएं दे चलदे लागू आदर्श आचार संहिता दे नियमें दा बी ख्याल करने दी सलाह दित्ती गेदी ऐ।

<><><><><><><><>